



UNIVERSITÄTS-
BIBLIOTHEK
PADERBORN

**R.P. Leonardi Lessii E Societate Iesv Theologi. In D.
Thomam De Beatitudine. De Actibus HUMANIS. De
Incarnatione Verbi. De Sacramentis Et Censuris.
Prælectiones Theologicae Posthumæ**

Lessius, Leonardus

Lovanii, 1645

Art. 9. Vtrum hoc Sacramentum sit conferendum in fronte.

[urn:nbn:de:hbz:466:1-72898](https://nbn-resolving.org/urn:nbn:de:hbz:466:1-72898)

omnibus administraretur, etiam morituris. Accedit, quod Ecclesia non solet de Sacramentis præcepta condere, præcipiendo absolute ipsum vsu, sed solum determinando tempus.

30
Soluuntur
Obiectio-
nes.

Dices: Apostoli Actorum 1. v. 4. habuerunt præceptum expectandi Spiritum sanctum, cuius infusio, est effectus Confirmationis: Et consuevens præcepit eis ab Hierosolymis ne discederent, sed expectarent promissionem Patris &c. Atqui hæc promissio infusionis Spiritus sancti pertinet ad omnes, vt patet ex concione Petri Actoru 2. & ex testimonio Ioëlis, quod Petrus adducit: ergo omnes habent præceptum hanc gratiam querendi.

Respondeo; Apostolis id præceptum, non tam ob gratiam gratum facientem, quam ob dona gratis data, quibus debebant instrui ad munus Apostolicum, sine quibus erant omnino inepti ad illud munus.

Dices Secundo; Patres dicunt, omnes debere hoc Sacramentum suscipere, vt sint perfecti Christiani. Et Melchias Papa dicit Confirmationis auxilia victuris esse necessaria; & hoc Sacramentum ita esse coniunctum baptismo, vt nisi interueniente morte non posset separari, aut vnum sine altero rite perfici.

Respondeo; Istis verbis non significatur vlla obligatio, nisi forte ea, quæ oritur ex natura rei supposita institutione. At satis constat ex natura rei non esse necessarium. Neque enim obligamur esse ita pleni Christiani, sed sufficit plenitudo, quæ est per baptismum; & postea alijs Sacramentis, ac bonis operibus perficitur. Et confirmatur, quia alioqui morituris esset necessarium conferendum. Neque etiã obligamur ratione professionis fidei; quia alijs modis sufficiens ad hanc auxiliu potest impetrari. Significatur ergo tantummodo magna utilitas, quæ interdum vocatur necessitas.

Quod autem Melchias ait, vnum sine altero rite non perfici, intellige secundum ritum & consuetudinem veteris Ecclesiæ, quæ solet hoc Sacramentum statim post baptismum conferre.

Aduerte tamen; etsi omisso huius Sacramenti per se non sit peccatum, præsertim mortale, tamè potest esse ratione adiuncti. Primò, ratione contemptus, vt si quis nollet confirmari, existimans esse re puerilem, & se indignam. Secundò, ratione scandali; vt si putaretur contemnere, aut non esse Catholicus. Tertiò, ratione propriæ conscientie; vt si putaret se aliter non fore satis firmum in fide, aut fidei confessione. Denique vix vnquam potest hoc Sacramentum omitti sine aliquo peccato: quia vix potest adesse iusta causa tanti boni negligendi, quod tam facile potest haberi.

Quod autem quidam dicunt Confirmationem debere præmitti ante Eucharistiam, id intellige ex decencia, non ex obligatione. Nusquam enim extat præceptum ad hoc obligans; neque consuetudo Ecclesiæ id semper seruat. Similiter non est obligatio, vt antecedit extremam Vnctionem, vel Matrimonium. Addo, Non videri obligationem sub peccato mortifero, vt is qui ordinatur, aut etiam qui confert hoc Sacramentum, sit confirmatus. Vt colligitur ex Soto hoc loco, Nauarro cap. 22. nu. 9. Victoria quæst. 46. de Confirmatione.

Ratio est, Quia nusquam tale præceptum habetur. Nec obstat Concilium Tridentinum sess. 23. cap. 4. vbi dicit, Ne quis confusus mittetur, qui

non sit confirmatus. Quia nullum est verbum quod indicet proprie dictum præceptum. Valdè tamen esset reprehensibile, si fieret contrarium.

ARTICVLVS IX.

Verum hoc Sacramentum sit conferendum in fronte?

Respondetur, Vnctionem Chrysmatis esse in fronte perficiendam, idque in formam Crucis. Ita Concilium Florentinum, quod vtrumque definit.

Notandum est Primò, Remotam quidem materiam huius Sacramenti esse Chrysmata ab Episcopo benedictum: sed proximam esse, Vnctionem frontis in modum Crucis; sicut in Baptismo, proxima materia est ablutio; in extrema Vnctione olei illitio.

Notandum Secundò, Hanc signationem in fronte esse de substantia huius Sacramenti, adeò vt si in alia parte fiat, v. g. in vertice, non constat Sacramentum: vt communiter Doctores, Durandus, Scotus, Paludanus, & alij distinctione 7. Nam in hoc distinguitur hæc vnctio Confirmationis, ab vnctione Baptismi quæ fit in vertice, vt patet ex testimonijs supra citatis. Vnde Pontifices docent solis Episcopis licere signare baptizatos in fronte. Vide Innocentium I. epist. 1. cap. 3. Damasum epist. 4. Leonem I. epist. 83. & alios. Idem aperte docent Patres. D. Augustinus in illud Psalmi 141. vers. 4. In via hac quæ ambulabam &c. dicit quædam Sacramenta accipi in toto corpore, vt Baptismum; quædam in ore, vt Eucharistiam; quædam in fronte, vt signaculum crucis in Confirmatione: Quia, inquit, frons est locus pudoris, vt non erubescamus Dominum confiteri. Idem expressè habet Concilium Florentinum. Vnde deceptus est Franciscus Victoria, quæst. 51. existimans hoc esse solum necessarium necessitate præcepti, non Sacramenti.

Notandum Tertiò, Signum crucis esse de substantia, quia exprimitur in forma. Idem insinuant Patres, dum dicunt frontem signari: hoc enim signum apud Christianos non est aliud, quam signum crucis. Ratio est; quia efficitur milites Christi; vnde eius Characterem, quod est signum crucis, oportebat accipere.

Notandum Quarto; Valdè probabile esse hanc vnctionem debere fieri immediate per manus Episcopi; nec satis esse, vt fiat medio instrumento, quia requiritur manus impositio: vt patet ex supra dictis. Debet ergo manu tangere. Sufficit tamen pollex, vel digitus; quia sic dicimur manu tangere.

ARTICVLVS X.

Verum is qui Confirmatur, debeat teneri ab aliquo?

Respondetur, Eum, qui confirmatur, debere habere susceptorem, à quo in militia Christiana instruat: sicut qui baptizatur habet susceptorem, à quo instruat in ijs, quæ ad communem fidem, & mores pertinent.

Notandum est Primò, Hanc ceremoniam esse valdè antiquam, vt patet ex Canone In Catechismo de

33

Vnctio frontis in modum crucis, est materia proxima huius Sacramenti.

Si fiat extra frontem non valet.

Innocentius I. Damasus. Leo I. Augustinus.

Victoria fallitur.

34
Item non valet, si fiat ab aliquo signo crucis.

Debet fieri per manus Episcopi sine medio instrumento.

35
Attinens

An, & quæ sit necessitas suscipiendi Sacramentum Confirmationis.

31
Omissio huius Sacramenti vnde, & quibus titulis possit esse peccatum.

32
An hoc Sacramentum debeat præmitti Sacramento Eucharistiæ, vel alijs.